

Fuu 7

HARVARD COLLEGE LIBRARY
FROM THE
HARVARD-YENCHING
INSTITUTE

JUL 11 1929

32

CLL314012332. 83

藝文志

德居南北之衝士大夫過此者或因地寫懷或因人慨想或因事寄託文采風流不可沒也亦足以資考核與時事載之以補志乘所未備

陵州

元陳基

曉出陵州南盡行泥淖中一步一踟躕四顧心忡忡牽車者誰子自言業為農頻歲值大水田廬為之空家有白髮親日食憂不充辛苦事商旅庶以供殮葬

哈佛大學哈佛燕京圖書館珍藏印

維人生兩間所貴親愛鍾貧賤苟知養奚必祿位豐
丈夫畏天命敢不哀人窮生世苦不偶何由恤瘵痾

陵州五言律

元 葛邏祿迺賢

日落陵州路沿流古岸旁泊舟人自語聽雨夜偏長
過客愁聞盜荒村久絕糧何人肯憂國得似董賢良

過古黃河堤

元 薩都刺

迢迢古黃河隱隱若城勢古來黃河流而今作耕地
都道變通津滄海化為塵隄長燕麥秀不見築隄人

子弟新軍

七言律

洪熙元年仁宗病篤馳召

高煦為變故沿途屯兵

明 王直

平原十里候鑾旌繞郭新屯十萬兵慣著短衣來小
市常騎驕馬過孤城營前劍舞春風暖帳下酣歌夜
月明自是太平無戰鬪少年何處可橫行

蘇祿王墳

明 寧河

花謝紅香颺曲溪藤枝深護小堂低春風細草埋翁
仲夜雨空梁落燕泥萬里海天愁思迥百年蘇祿客
魂迷多情惟有芳林鳥不為淒涼依舊啼

德州舟中

明 程敏政

出逢漕舟來入逢漕舟去聯檣密於指我舟無著處
沿流或相妨百詬亦難禦有如暴客至中夜失所據
平生凡幾出苦口戒徒御忍後莫爭先寧緩勿求遽
今茲畏簡書刻日覲當寧而况河防嚴衣冠重相懼
危坐鬱成晚少寢驚達曙蕭蕭傍水村隱隱隔城樹
緬懷古賢哲高卧得深趣愧我行路難推篷賦長句

送張祐之監德州倉

明 羅 玘

郎吏頭漆黑心有大機軸司徒眼如電晨降檄一幅
入門絕經營已飭車轆轤老父坐車上橫身任爲僕

幸逢德州程九水一旦陸船頭魚潑潑船尾鷗逐逐
晉人不知船老覺船是屋且令買魚烹更欲伴鷗宿
公衙幸少休可報酒初熟玉浮暑池歛金泛秋籬菊
我能捐千金誰有愛口嚮么麼爾委吏自束縮腸腹
慎勿莽饕餮人自念鞠育

過德州弔鄒蘆南

明 胡纘宗

不見蘆南子新詩海內傳充囊空彩筆絕壁有瑤篇
岱嶽春雲薄秋河莫雨懸忽看阡上石含涕獨潸然

莫抵德州城下

明 于慎行

瞥見漳河水燕齊兩界分郡樓融晚雪津柳挂殘雲
病骨寒應倦鄉音近稍聞明朝看海氣遙禮泰山君

送趙叔鳴監稅德州

明邊貢

蕭蕭征馬嘶送客過前溪故里別來久家書空復題
青山鬪津道平楚衛河隄宅夜幽尋處應知夢不迷
東赴海陵倉移家別帝鄉政繁轉輸地官古度支郎
問寢椿庭近迴舟蓼岫香秋來客愁少風景似維揚

過德州寄楊斛山

明劉翥

纔過滄州又德州綠楊堤畔菊花秋未論秦楚萬餘
里且共風波一葉舟農圃漁樵俱是侶江湖廊廟敢
忘憂獨憐腰脚還差健有約同登華嶽遊

贈李明府暫詣廣川奉送景王之國

明李攀龍

帝寵親王出牧年逢迎東道借才賢郎官舊列星辰
上朱邸新開日月邊千乘旌旂分羽衛九河春色護
樓船知君不廢鳴琴興應教還操桂樹篇

王太史祖嫡

明王世貞

太史瑚璉姿葆真鑿光相與予一談藝瀟灑神俱王
傾蓋豈必深慨焉成辨謗蘊藉叔度流縱橫東京上
疏草就磨滅苦心將誰向

題安德驛壁

二十年前官柳條春風綠遍德州橋於今禿盡如僧
老怪得行人鬢易凋

上巳日晚泊桑園

明歸有光

三月長安春事繁桃花千葉李花單掖垣裊裊多楊
柳宮草萋萋似蕙蘭帝子屬車臨灞水佳人跼履仰

晴灘微臣獨向長興路坐對燈花夜台闌按震川浙
江長興令
也金志誤刻
長沙今改正

過德州

明邵寶

北過臨流郡南來奉使身將憐初領地守備
桂勇器問舊

藏人時地中掘得
火器若干獨立金湯險先登矢石親益平看

出獵春草四郊新

德州重過永慶寺

奉使南來又德州僧房還記舊淹留星明北極天初

霽劉瑾已
伏誅風掃中原霧已收馬中錫招安
劉六劉七野曠尙餘

千里水餘黨未盡漕荒應負一年秋賊燒漕船隱然慮及諮詢未盡
皇華體賦罷牂羊獨倚樓

衛河舟中

河水日以縮河柳日以黃凜風吹杲日草上餘殘霜
漕舟返從北牽挽何匆忙相逢問前路羣盜勢且張
山東數千里何人不奔亡我師一當百直氣浮劍鉞
萬全待時至左次非翱翔我筮遇坤乾方長欣初陽
剝極行見復彼哉孰能當所嗟六合中元氣化夷瘡
欲哭復吞聲短歌不成章

董子讀書臺

明田登

下帷人已去荒草漸高臺喻嵩樹老鶴分子喻世庭

空鳥篆灰喻文華賢良當世重道統自天開望國心

仍切徵賢詔不來漢廷用枚朔長歎失真才高原落句云獨

有賢良策人稱王佐才有不滿董子意故次韻以刺之

大梁董子祠

明吳國倫

萬木廣川村蕭蕭古廟存高粱蟠海氣殘碣卧雲根
日月黃河逝文章漢代尊卽看荒草色猶似未窺園

安德驛

明公萬

前年計偕時匆匆驛樓下中有達官人叱我令避馬
 今年落第歸郵籤貴人假我亦驅役徒我亦驛中趨
 湯沐有厨傳給事有僕夫須臾登車去見者避於途
 大笑憶前事居然一故吾乃知萬物理榮辱豈足論
 役夫夢為帝溝斷破為尊人有貴賤想貴賤何曾真
 晚登廣川樓樓遂宴於驛亭

明陳鳳梧

萬里風帆溯晚秋凌雲更上廣川樓天空落木千山
 遠水盡寒潭一鏡浮西漢文章懷往昔東藩冠蓋記

同游雙梧亭下一尊酒素月流光入畫樓

董子書院

古碑長表讀書臺祠下秋風點綠苔道誼兩言垂世
 教天人三策致君才傳從洙泗源流遠派啟西京治
 化培後學瞻依真有幸肯將功利自相摧

懷蘆南鄒辟君

明蘇祐

山木虛憐賦有枝雁書不至可無思百年異姓如兄
 弟千里分攜幾歲時明鏡近增搔雪歎青山猶負看
 雲期蘆花溪水垂綸地誰與高歌送酒卮

德州道中
明 李先芳

城郭依稀浦樹寒
廣川風物日凋殘
渡頭向晚船初泊
驛路經秋泥未乾
野菊黃時非故國
塞鴻來處是長安
金門多少同游侶
退食誰知行路難

題分司署中繁露堂
明 阮自華

林端澄景霽新秋
繁露初成手自讎
空抱天人辭北極
羞談齊魯變東周
月明衛水河梁斷
雲起平原海市浮
曾道度支閑閉閣
風來閶闔思悠悠

自德州買舟北上紀見
明 高出

茫茫四野水鳥掠
風帆土屋無人閉
江艘有使監新魚
隨罩得遺穗
進桴芟出涕
憂無象涼飈
拂露衫

秋日寄題程給諫大隱園

明 張嗣誠

卜築城隅賦考槃
會心不遠卽林巒
買山何用同支遁
躡屨還應似謝安
秋水芙蓉尊泛綠
幽齋蘭蕙佩生寒
當年封事傳青瑣
未許江湖老鶻冠

飲盧德水杜亭次原韻
七言律 明 凌義渠

十載閑居戶屢扃
開尊堪客有斯亭
如憑俎豆通今

古豈止詩文備典型念子精勤不暫息問余浮惰幾
時惺滔滔末俗存孤簡竹石無言氣自青

哭程大司空

明 顧允光

人間一青盼與受俱匪輕苟非其人者志士恒硜硜
儻焉蒙受知寧等悠悠心情曩予三十五蕩產游上京
白雪照東魯菰蘆洩其聲不遠七百里走幣誰邀迎
公謂予和璧予曰公鞅荆適館始授餐磋磨伯仲并
臨風玉樹皎耐歲青松盟以爾歛溪濤沃我雪酒醒
高秋一奏牘褒爾賢書名撤棘拜座主師門道相成

當時禮皇季公猶履艱貞先言及儲事已分老投
光廟嗣大寶二紀龍始亨傷哉舊諫草展也新國植
昔惜區區血而隳冥冥行及乎闔祠興東海方待清
金碧煥天下德州獨與爭幾不免虎噬會當其貫盈
州人走相慶賴公全今評自歎懸車年復得睹清明
舜日重沐浴漢寢勞經營曷勸聖人孝庶竭老馬誠
憶公開府日子亦客襄城玉璽納封事紅燭籌邊兵
至今石樓際神氣特崢嶸大節凜不死公壽壽於彭
心與衛河白夢接寒雲平絮酒將鹽鼓聊薦千里羹

四朝典型失非止私哀鳴西州淚一灑白楊悲風生
卧病德州述懷呈程魯詹

明 吳麟徵

先朝鮮定命玉璽詎嘉祥訛言淆鹿馬佞舌紛蜩螿
巍巍秉鉞臣喑喑仁者剛薦賢吐危詞正氣彌八荒
余忝左掖塵步趨奉珪璋寸心未獲據俛負齒髮彊
一朝頓車徒委絕君子鄉却君開東閣撫我七尺僵
煙埃辟几榻竹柏羅清涼靜然白日卧轉矚凝幽光
感時動殘魄緬古激哀腸恨此近死軀難置鞋續旁

飛章上北闕引領歸南航寸心裊帆席日夜同飛揚
友朋洵可畏臣疾乃言肯學王徵士取笑在滎陽

寄廣川準無則七言絕句

明 釋魯山

白雲紅樹對離情秋意微芒畫不成吟就新詩書落
葉憑風吹過德州城

國朝

桑園七言絕句

沈嘉客

冰稜纔解日初暄春氣纖毫掠水浪風正帆懸五十
里斜陽早已泊桑園

嘗羅欽瞻酒

高珩

瑞露天漿摠未真每從德水想清淪不慚名下如佳
士乍對尊前信故人部署無雙從事好風流第一麴
生親蒲城奢望吾何敢一斗從君借小春

弔盧德水五言律

秦松齡

讀社

叟箋成號寄廬扶衰看老輩振雅屬吾徒

古岍春流疾荒城落日孤驅車莫悵望詩卷付江湖

方山寄杏村詩用韻却寄七言絕句

宋犖

雪滿長安晝掩廬故人馬頰羨幽居卅年契濶緣何
事十子風流每悵如

和王貽上德州銀瓦寺韻

柳燾

何年銀瓦寺想像構軒窓聽梵風迴殿談經月淨幢
馴龍飛杖錫慈蓋渡人鱗王子題詩地同來吸大江

題謝方山別墅

王士正

高原臨馬頰中有謝公村芳樹春連屋清川日在門
人如古漁父地即桃花源十載長安別心期此重論

題趙怡齋詩卷追悼大木

自失馮途五見秋腹悲三度過陵州山川不遣英靈
盡又見清吟趙倚樓

題田子益數帆亭

香茅結宇枕清冷午夢初迴驚遠汀何似江南秋色
好數帆亭是落帆亭

德州羅酒

玉片蓮花作酒材露珠盈斛撥新醅清冷錯認康王
水風韻還宜叔夜杯

從謝方山索酒

宋 琬

零落高陽舊酒徒蕭蕭華髮刺狂夫那堪重過新豐
市三百青銅近也無

上蕭韓坡夫子

李振裕

江國掄才日干今五十年隱過仕之半名與德渾全
海鶴寥天迥沙鷗宿影圓藏山多秘笈未許世人傳

矩亭

顧炎武

董生祠畔子雲亭澗雨巖虹望獨扃門外曉寒榮帶
草林端秋散照書螢長留直道扶千載自見遺文表

六經今日似君還肯構應知家學本趨庭

過矩亭拜李泰雲先生墓

人生無賢愚大節本所共蹉跎一失身豈不負弦誦
卓哉李先生九流稱博綜清脩比范丹聰記如應奉
力學不求聞終焉老家術見漢魯峻碑同時程中丞一疏
亦驚衆玉璽安足陳亟進名臣用黨論正紛挐中朝
並罷訟世推山東豪三李尤放縱祠奄與哭典後先
相伯仲初踰士類閑竟折邦家棟悲哉五十年風塵
尙頌詞我來拜遺阡增此櫛林重雖無警歎接猶有

風流送自非隨武賢九原誰與從

懷田綸霞馮大木五言律

陳廷敬

夜過東陽界朝行衛水濱青春方浩浩白髮任紛紛
山遠留殘照川長宿去雲閒心逐流水今日爲思君

德州河上

王士禛

曲岸臨大河風帆日千里迢遞遠鄉人離心託流水
思鄉與懷古望遠臨江樓長歌指飛鳥風起蘆花秋

德州七言絕句

李澄

漁父低插夕陽明別岸平蕪馬足輕水碧沙晴秋色

德州志 卷三
裏蒲帆徐度德州城

次衛河

顏光敏

莽莽衛河濱孤城對古津風塵通驛路鞍馬去鄉人
日落帆前樹煙舍廟口春客心從此異忍見柳條新

登德州城樓

李上雯

地盡東藩接北平高樓南望暮雲橫天波近落明河
水飛鷁斜臨却月城冰雪寒深遲禹貢魚龍夜永衛
神京故鄉秔稻參差發爲想來年春草程

雨中得馮大木遺詩因懷平生故人

趙執信

素士戀知己衰年感同心悄悄如見夢惻惻還聽琴
戶外波蕩滂庭中山嶽崱綿邈三十載空天落遺音
向夕微雨過悲風生竹林當時文酒侶滿目成飄沈
嵇調恍一接阮樽誰復斟浩然望雲海獨發懷仙吟
雨中謝方山以所編德州先賢傳見貽賦此奉

答

吳雯

一雨綿綿三日餘泥深滑滑絕行車高人未過應懸
楊公子乘閒好著書柳絮欲沾金屈戌鑪香輕裊玉

蟾蜍襄陽耆舊方成傳文采風流衆不如
留別李紫瀾并送致方山

去去復何求楊花吹驛樓開尊憐共酌秉燭憶同游
高闕看儀鳳閒沙認野鷗生平感風義多半在陵州

宿方山先生九龍口莊留贈

陳弈禧

期我郊原宿風和應小春九河環相壟清義公墓在此半日

隱詩人即士元隱居半日村客已頻年謝情因萬里親剪燈相

慰罷霜月白于銀

立夏前一日同年李文象招集見可園

查慎行

東風有約出京華弭櫂相尋到水涯得地百年因種

樹留春一日爲看花亭臺縱好須賢主子弟多才必

世家直得此間成茗芋甕頭墨露酒名不須賒

槐陰小徑轉閑坊猶記田家舊草堂田紫綸司寇歸宅去此半里

路重經疑昨夢名園欲別惜韶光濃熏酒氣茶糜架

翠滴苔痕薜荔牆最愛一軒幽絕處紫藤花罩讀書

牀

德州七言絕句

王萃

十載京華路未休
又看春草過陵州
東風吹得平生感
多在黃河古渡頭

德民持觴至濟南餞

余洵旬

識面猶如不識面
向通名仍有未通名
捧卮引滿羣鳴咽
此是凡今太古情

寄德州父老

晨夕爭先汲水餘
問名不答手空叉
可知鵠面鳩形者
賢似宜城賣酒家

送同年蕭朗甫吏部省親歸陵州

錢陳羣

吾友蕭思話其人
淡且踈如何方上注
猶白賦歸與將母
無他顧分甘請所餘

帝城花事好遲爾駕潘輿

留別德州故人

吳鳳直

琴詩十年話今日
與君別萬里少知音
空江對明月颯颯秋
風急瀟瀟秋雨寒
江南望濟北欲見故人難
哭孫莪山先生

酒闌聞信乍如聾僵立重聽語又同只待開年趨絳
幃誰期此世隔春風文章楮墨蟠精氣心跡幽明貫
始終他日墓門能一奠英靈猶自念飄蓬

見可園六十六松歌

高鳳翰

六十六松如羣龍見可園內雲沟沟我來看松費摩
挲一一形狀恣搜窮一松當門老龍鍾一松秃尾穿
晴空前者兩松夾石峙挂笏癡立雙南宮屋後一松
尤怪絕偏袒左臂撐拳雄在庭者四隅者一意氣各
欲相憑陵或如冠劍列朝仗或如孤鶴騫蒼穹其餘

大小五十六兒孫纍纍羅屏風我觀此松歎不已百
年閱盡一彈指松間老屋讀書堂舊業久傳隴西氏
從前幾輩看松人都駕松風成鵲起祇今作客卧園
中入夜書聲猶徹耳葱葱寒綠無改顏君家之興此
其理爲君作圖復作歌此歌此圖有時磨不如君家
世世著書對松樹年年歲歲龍鱗多

留別金逸亭

劉藻

河干老屋逸人居柳暗春城訪舊廬詩律猶傳馮氏
學筆鋒羣仰趙家書香醪灑灑時觴客玉屑霏霏重

起予欲去陵州屢迴首斯人未合寄樵漁

重過濯錦園贈程後三

連雨晴方好還過濯錦園由來城市裏風物似山村

邱壑原前代琴樽付後昆主人能愛客留醉近黃昏

哭葉仲一先生

垂老寒氈甫一官離筵朔吹動關山故人遂爾成長

往多病誰當付大還杜甫聲吞生死別孔融交存紀

羣問可堪落葉西風裏夢轉猶疑月照顏

弔宋秋圃先生

紀昀

長河鳴咽帶秋聲桂子墳頭落小曾老別鄉關髮似

雪病操筆札畫如蠅殘編舊日吟花賦荒草他年下

馬陵問字元亭今已矣懷人獨以大招能

讀宋蒙泉州乘遺聞題後

六朝小史艷縑緗蕭綺王嘉撫壇場獨與臨川傳世

說可憐劉峻在齊梁

檢點生平記事珠丹鉛一字幾躊躇何人復作裴郎

學一笑黃公舊酒壚

觀吳西嶺畫河圖

許朝

匹馬南來訪杏村杏村謝郎中別墅也其孫松泉居之在城南二十五里予辨差來此

新圖喜見舊河源時吳西嶺在杏村與三瀆圖三長愧我無

才識州牧宮君屬予脩志幸有名賢共討論

贈梁生鴻翥

韋謙恒

兩漢重經術儒風盛齊魯卓哉鄭康成辛苦為

訓詁六經賴以昌儼如日亭午奈何棄漢學讀

書太莽鹵使者來采風誇屏弗取篤行推梁

生廣川有遺矩下帷不園鑽研力獨努不知

厨無烟但期腹可拄搜及箋疏辨証窮帝虎

上下千百年聲歌出蓬戶生好捷走斯人足

砥柱當今經學明圭璋羅

天府敢以獻

彤廷俾之摩石鼓鴻漸占上九行當用其羽

澄碧園十二詠

曹錫寶

糧道署舊為戶部分司公廨內有化龍池繁露路堂

古蹟也余更為點綴十二景并系以詩

笠瓢春曉

豈謂春如海乃於一瓢貯草色聲檻外紛幾許

寓目多所欣忍寒聊延佇

伊亭柳浪

孤亭水中央面面盡垂柳波搖簾影亂風動涼生肘
欲從伊人遊溯洄復何有

長廊塔影

浮圖矗城南空廊却相對昏旦變日無幻影分向背
卽此悟色空何必微塵碎

射圃槐陰

風綠長堤日坐高槐下濃綠既成映嘉蔭度可藉

習射愧未能聊此消長夏

窰舟聽雨

誰著不繫舟蕭然絕塵垢况聞風雨聲瀟瀟響林藪
默坐靜聞香清氣滿虛牖

曲沼荷風

香風冉冉來恍疑曲院過露滋嬌欲滴雨漬塵難浣
祇宜乘朝爽披襟此靜坐

方橋蛙鼓

散步小橋東林烟靄暝景芊緜岸草青一碧池塘影

何處鼓吹聲令人發深省

滄浪夕照

夢懷吳中勝晚步却相遇霞光上高埔
暝色赴遙渚獨立空踟躕愧乏歐蘇句

小艇漁竿

一葉任縱橫一竿隨憇止豈有羨魚情
獨契濠梁旨浩然碧天空沙際眠鷗起

平臺秋月

薄暮臨高臺素月流晴昊挹此皎潔姿
靜我冰雪抱

彼美隔音塵慨然發長嘯

東籬花午

三徑何蕭疎秋容紛滿目冷香淨溪烟
秀色麗晴旭高懷陶謝公濁酒幸新熟

環巒積雪

暮色上平岡高下杳莫辨皎月澈松影
寒風生疊巘何必剡川遊卽此興不淺

清碧園八詠

張慶源

澄心堂

虛堂清且閒留香簾未捲蘊蘊蝶夢餘夕陽照蒼蘚

伊亭

曲徑引微涼相約過橋去深柳自鳴蟬伊人在何處

塔影廊

槐樹種成行朝烟翠欲滴塔影入廊來峰尖自歷歷

一笠飄

矯首平岡下一笠露其頂風雨憶空江烟蓑浮釣艇

小滄浪

方塘一鑑泓倚闌人不語會此逝者心蕭然立秋渚

經舟

小坐此方舟寄懷在秋在天際白雲微樹影當窻落

紅橋

濃陰覆板橋青入橋東路凭闌橋上看殘荷墮秋露

得月臺

一碧入青冥臺空目無障鄰家笛未終明月東方上

矩亭懷李恭雲先生

逆奄之勢狂舉世盡偃僂先生昂藏軀獨行甘踽踽
大節堅不踰折旋乃中矩穆然清風長此亭亦千古

清碧園歌

張慶浩

余生生長雲水鄉，飢驅千里齊魯疆。莫我肯穀來此邦，主賓相得胥悅康。阿兄自昔窺門牆，講席今復同仙郎。隨行負笈理縹緗，名園日涉足徜徉。陰陰喬木森千章，野花雜蒔紛幽香。園中首闢澄心堂，空庭積翠生清涼。紅橋三折柳兩行，伊亭面面環池塘。貼池荷葉半欲黃，秋蟬吟露咽復揚。亭西蜿蜒迤平岡，糾然一笠遙相望。行行且止憇，迴廊凌空塔影明。斜陽隔溪玲瓏敞，八窻橫顏飛白。小滄浪滄浪放歌浮，隔

航流溯泗水一方，壑舟妙不可量。止足虛受齊老莊，倦遊日影沉樽桑平臺。以受明月光，此心空潔如得雙紅塵。自笑舟車忙，緬懷伊人秋水長。扁舟夢繞鴛湖旁。

見可園懷古

泰雲先生人中豪，元龍豪氣百尺高。孝廉十上公車去，數竒不偶空首搔。草堂習靜同太古，山林城市遠塵囂。逆闔執燄等腐鼠，比物醜類方牙刁。殷勤厚幣重招致，烏敢以此溷我曹。毅然

絕跡長安道灌園獨樂不隱蓬蒿手栽松子志後
凋蕒枝上引取凌霄凌霄作花松特立從心不
踰矩獨操有所不爲真狷者行實顧言寧嚶嚶
令子文孫善繼述見可而可登
熙朝蠶斯繩繩成鵲起明德之後多舉髦我來園中
作寄客雲孫兆桂訂石交西堂棲息心嚮往蒼
松瘦硬蟠螭蛟凌霄花繁靜相對靈鑒不泯臨
前均肅容頰首志仰止青天白雲風蕭蕭

過程水部宅

陳志

幾株秃柳老鴉飛徙倚堂前感舊薇曠使懲殘疏獨
奏奄祠拒逆笏先揮撫軍申傲萑蒲靖諷諫還爭玉
璽非曠世仰懷人海右長河淼淼送斜暉

見可園贈李東村

德州數名勝首屈見可園園不過十畝地僻能避喧
有亭顏曰矩作者深意存

矩亭爲泰雲先生築

曾孫克仰肖移

立堂前軒

先生曾孫號仰亭一號肖亭復立矩亭於西堂前墀之左

撫松六十六

高節絕繫援凌霄引松端孤鶩善託根揖石合呼丈
闢池鑑潺湲再傳守清白獨立見東村兀然具傲骨

粹然卽之温步趨念先德言行清且敦踐迹守遺矩
世世永弗諉

董子讀書臺

王道亨

人物西京重廣川荒臺想見下帷年隋碑文字餘苔
薛孔廟春秋肅豆籩絕學淵源傳道誼醇儒經術貫
人天如何後世談災異多借先生繁露篇

董顏祠

立德功言垂不朽崇祠異代得同堂文章節義高齊
魯經術忠勲峙漢唐危論干言憐賈傳孤城一死惜

雅陽兩賢奕葉留餘慕歲祀常承祖豆光

德州志卷二

藝文 詩

長河將陵居民寥寥無以詩名者有之自明德
州始

國朝尤盛簪笏名公烟霞逸士篇什之富不可勝紀
間登一二以例其餘大半有關於人物節烈可
以興可以觀聊擬陳詩以觀民風云爾

樂府三首 明 鄒頤賢

君馬黃

君馬黃臣馬白馳如翰將安適棄之野疲且瘠斯若
思思冀北天廡良何由即老馬歸渥洼出皇之駕龍
驤翼龍驤翼天下英賢皆輔弼

白紵歌

白紵舞白紵歌白紵落影秋水波波中鯉魚如擲梭
三三兩兩雙雙過績紵之絲織成布遠寄邊城恐遲
暮邊城霜早風更寒寒衣已裂重裝綿但願樹功常
在邊閨中少婦開愁顏

雉子斑

雉子斑色威赫以山嶽之山陔之山陔之山陔之山陔
不白量漫爾飛隨鳳鳥達天衢六翮短
飛百步意徬徨意徬徨回山岡念初服未有傷
毛羽姿徜徉望雲漢熙朝陽

雜詩

人生本元化元化相浮沉往者豈終已來者還相尋
罕罕歎無始一氣亘古今異端唱輪迴紕繆何足謀
賤物自參差造化無容心死生亦豈異窮達隨所任
奈何貪昧徒自苦多黃金

農夫得盡力民食猶稱艱工女得盡巧民衣猶稱寒
珍怪與文繡實以蠹其源皇帝故親耕后妃亦親蠶
共儉重民命知以民爲天嗟嗟輕用者斯民何以堪
歸田仍舊業茅宇橫柴門垣屋半傾圯松菊猶爾存
荆藜鬱以茂岩莽幽且深斬闢去荒穢葺理棲閑身
畱田亦臚臚林木何森森雨餘樂清爽聞寂聞鳴禽
動植各生遂而顧念吾人勞勞名利場乃爲外物侵
富貴縱爾遂何益於身心年命況有期就此甘陸沉
送丁子觀楊子和袁治卿暨兒慎赴南湖書院

讀書

至教仰洙泗聖門多魯人大道久堙塞執藝何紛紛
發軔異塗轍履歷皆荆榛養蒙正厥初聖功固以淳
慨自微言絕程朱繼斯文蘇湖有遺教授受傳至今
繼是子胡子道岸測元津宗工扇鼓鑄良以淑斯民
機會未易邁爾輩慶逢辰摳衣服訓迪曳履依華芬
如金用砥礪如泥需陶鈞濟濟皆英豪造詣輕河汾
大猷抽厥緒高矩從可尋丁生氣超邁楊也志安貧
袁生素敦敏慎也非其倫幸此同門牆相規冀同心

德州志 卷三
仁義非外鑠思以全吾真得志以謀道母獲詭遇禽
爲謝齊魯士好自惜分陰

和王介菴

旭日臨高樹清霜滿舊林東籬原有約北闕豈無心
衰病仍秋晚荒唐愧嗣音杖藜扶我去翹首望遙岑

贈劉一軒

明程珪

吾鄉多俊彥夫子更人豪獨往桃源秘深藏鬼谷高
雲中留事業海內識風騷丹詔何年到蒼生屬望勞

至懷程靜泉

明馬九德

長至雙梧夕寒更獨擁裘乾坤誰肅傲歲月此林邱
忽憶登仙侶將來泛剡舟龍門何處是清節迥難儔

自雲中歸柬須南野丈人

明劉佐

相約共解綬此日罷彈冠菜甲和雲煮櫻花帶雨看
時清雙眼碧髮白寸心丹信是神仙侶何勞歎羽翰

題別墅壁上

明袁勿

花香三徑遠樹色一園平紅杏尋村酒晴簫憶市飭
鑪烟繞榻暈池影漾簾清靜坐對羣動心隨春氣生

謝貞烈

明 李誠明

我所思兮在昔年每同阿父共翩翩忽傳帷內產蘭
 英啼處纒聽三兩聲清越不同凡女氣爭誇眉宇帶
 剛毅無何隨父到山西又見蘭臺烏鳥棲家訓無非
 正直事胸中已識從夫字自從母命到夫家椎布操
 作無紛華日日勸夫勤勉學恐夫不得露頭角夫身
 未病心先動解識人間摠若夢倏爾藁砧果逝亡裂
 天崩地成悲痛三朝絕粒不曾食慈母耳邊常唧唧
 阿姑淚眼渾無措往來好語相調護忽然五日香雲

前若拜訴恍

裏哭幾聲時

魂訃世間多少奇男子
 一得心腸似爾爾靈粹清寒
 四字 飛白雪方知謝氏
 忠節

使豫過里

明 王都

奉使歸來亦是榮不堪入
 里話頻驚衣冠半帶瘡痍
 色草木全違潤澤情有制
 材官思大將無良浪子慕
 驕兵相期尸祝顏防院
 繼祖 歷下誰憐血濺城

營杜亭成述懷

明 盧世灌

年來謝客尸常局特向空
 園起杜亭闢地誅茅安鎖

朴寫真設座表遺型吾衰還作千秋夢世遠惟憑一
念惺子羨五郎俱在此階前竹柏鬱青青

哭李泰雲先生

生死論交有歲年今朝揮淚問蒼天悲涼吾黨思前
輩錯莫人倫失古賢泰岱雲收餘賦草小山桂老罷
詩篇清真寡欲如元澹博雅多才似鄭虔行業推尊
高。里聲稱藉甚孝廉船飄。髮青衫映窈窕元
老劍志彌堅

我孤家

正折節獨周旋會文探討偏尋險放酒頽唐恰愛顛
行輩不拘常爾汝襟期相賞共餐眠看花直就花陰
坐喜雨頻將雨具舉側理隄糜將一萬洪酣小醉約

三千而今而後誰同趣馬策西州只惘然

餞王介清還朝

介清自河南册封回數上封事時榆關告警山左

大飢

明程泰

春晴驛路柳含烟絳節趨朝儼若仙聖主寔能容補
遺忠臣直欲效繩愆北門萬弩弦常控東國三星留

懸知爾從來多碩畫悉陳民瘼一人前

卿先賢詩五言古二十一首 明程先貞

凡吾德諸先賢自洪永以及天崇為世未久而前

言往行已若滅若沒蓋文獻不足徵也間嘗摺據

激懿慨然歌詠之詩曰高山仰止景行行止雖不

能至心嚮往之嗟乎九原如可作也執鞭之士不

敢辭矣

行在刑部右侍郎宋公性

宋公得聖主事乃類馬周精誠格上帝大宋隨遣歸

北園捉虎山餉匱量沙籌憑怒士 急改誰敢逆

蒲席片語合六師借鴻猷賜地以死租入遺恩與國休

禮部尚書張公惠

昔聞張宗伯精悍鼎可扛妖蛇 既就戮惡鳥亦投江

潢池兵散走諸蠻空壘降至老 哀先隴千載恐無雙

兵部左侍郎張公海

從來禦外侮薄伐出吾境况世俱兩虎爭我宜示之靜

奈何左右袒萬一辱威猛閉 關養全力羣醜焉能騁

張公身見黜抗言如星炳

右副都御史巡撫陝西袁公擯

中丞歷九任孤立無攀援執法如山嶽鼠輩不敢誼

屋漏無愧怍處儉道彌尊詔獎之日持能因布被釣譽讓公孫

公在南陽奏績為天下第一身屋漏無愧執法山嶽不移以為實錄

山西通判張公瑤

薄宦雖非貴屏星耀朱轂張公歸故鄉棲托乃無星

下筆如有神長吟對卷軸始知矜也廉未肯憂焚獨

公博雅有文章長於詩後人不少槩見致仕歸無任屋等身荒寺瓦無椽棹鄰里釀金葬之

京同知鄒公頤賢

鄒公何瀟灑三仕即解相居居入南市長嘯握蘅杜

詩酒以自娛殫精古樂用入昌風

沁水知縣王公進賢

沁水故忠信居官凜淵水沒而祀於社豪傑庶知興

奈何絕其後此理遂無惡撫卷為三歎徵諸我右丞

光祿卿盧公宗哲

素手見相公惟公所設施平生盧濬卿懷金將何之

宦裝二十年潔白不曾緇至今仰太史皎望如雲霓

右僉都御史巡撫順天馬公九德

雍容務德化所至芘洪一慈刑祥兵亦嘉一一存口碑
良藥起沈疴寒暑未嘗辭奕葉有餘芳人稱馬佛兒
公字吉甫號小東以維陽令歷遷副使大臣稽邊儲
特舉共事尋遷晉臬廷推順天巡撫以艱歸不復起
晚歲以良藥濟人人稱之曰馬佛兒
同時馬公珮亦巡撫順天號南北馬

山西左布政使李公逢時

互市本何妨仇鸞實饗饗四人終敗盟吾言合符節
朝廷今始知李公乃豪傑於敦彼淮瀆電掃弗能掣
三晉借旬宣皚如山上雪人昌厥後簪笏正未絕

戶部陝西司郎中陳公志

陳公素和易乃能老緬懷見古人清風何凜冽

平山知縣袁公勿

平山豈貴游苦硬如其祖四賊不敢干凜然有威武
精氣達明神塔光射天宇州明歸去來拂苾衣上土
公在平山承命祀中鎮山忽塔上
五色光燭天人以為精氣於神明

兩淮鹽運同知崇公淳

党公世武胄禦倭能親戰庶幾月三捷賊懼不敢犯
功大而賞薄廟謨恐未善哀哀疆場士荷戈亦已倦

公世襲百戶以舉人授淮安通判攝通州值倭寇再戰有功嚴嵩索賄不應僅遷運同逾年公致仕歸

湖廣副使荊州道張公大業

張公起戶部遺愛滿河陽金洞殲厥渠無端惱襄王

歸裝掛月冷桃李在門牆

鞏昌同知蓋公梁

高皇垂大訓既久成弁髦蓋公親講究化彼頑與豪

斷獄引經義感悅如投醪齊家在孝友治國本何勞

監察御史謝公廷策

神宗昔御宇思道惟恭默蒙恩列西臺盡言乃臣職

萬一禪明時豈敢辭綴纒仁何不可適表謝公道

紫陽知縣郝公沂

紫陽一老儒學乃貫天人宦遊何所似空齏午生塵

積書如堵牆神化返尻輪

萬歷甲午舉人先外祖李公誠明

惟公學淵博聲藉孝廉船公車方因頓懷抱乃夷然

如何彼逆閹厚幣切名賢豈能知志士富貴如浮烟

東臯終隱淪鬱葱有舊阡悠悠我所思淚下如流泉

陝西右布政使金公煉

方伯古君子有如雲漢倬宦遊三十載威名何嶽嶽
塵情忽已謝瞥見仙踪邈治向芙蓉城素驟去騰蹕
公預知卒日見冥
史肅逕端揖而逝

太常卿王公都

有寇從西來阬茲大小儒死者誠烈烈生者還區區
王公身既歿猶有遺腹孤可憐思陵土不得麥一盂
公甲申殉難 本朝定京師
命其家將喪還葬有遺腹子

監察御史盧公世灌

盧公以酒名深心渺無際勞勞晚遭歸磨此龍香劑

世事易滄桑解脫如蟬蛻閒尋瘖瘂人獨把仲長袂
遺文今尚存風流不可繼

弔王貞烈

陵州有節婦阿桂身姓王厥父名會禮髫年訓義方
出嫁韓承業青衿白面郎伉儷如膠漆自比雙鴛鴦
刺繡春宵暖辟纊秋夜涼并白躬操作顏色奉姑嫜
名滿鄰人口賢哉窈窕娘承業向彌留手自撫靈牀
好往不須怖死者實寧康平生託寸心賤妾敢遺忘
不久即追語與君相扶將既瞑一長慟七日絕水漿

德少志 卷三
阿母勸之食未忍負高堂終不御鹽醯朝夕惟淡湯
開我東間閣倒篋復傾筐珍珠雜翡翠羅列錦雲裳
分遺諸妯娒庶幾永相望依依守素施三餐薦旨香
卻畧再拜跪齊眉進酒觴皈心佛位下喃喃達五更
或憫其愁苦或笑其癡狂夫人都不知塞耳去洋洋
荏苒日復月朽骨宜歸藏計期已迫促夜起辦嚴裝
竹斂麻作履斬衰稱體量懷探尺素書寘在案中央
欸題曰守志斐然成篇章明鏡壓其上雙珠分兩旁
出至室東隅露地承天光藉用舊蘆席趺坐委絰纏

揮手謝家人不得作驚惶屏氣靜竚之須臾烈火張
自頂下及踵紅雲映寶粧體如玉玲瓏較比金鐵剛
小院滿氤氳煙燄殊馥芳衣服旣淨盡蘆席乃不傷
相界若蓮花又若觸琳琅觀者千萬家稠疊成堵牆
太守從南來五馬立徬徨亦有衛司馬身燼豎旗槍
低頭各歎息匍匐救其喪火蓮席下土爭取療災殃
土到病卽愈此窟如池塘乃翁韓紳氏收骨入幽房
雙柩遂齊發合葬城東岡神宗戊子歲距今八十霜
間從好事者鄴架理縹緗得其手書讀纒纒萬言長

非偈亦非詩叙次頗周詳大抵謂吾心出入本何常
一獲卽須鎖不可使之颺幸無兒女累年已三十強
信爲萬行母聊用挽顏綱斯言類有道敢不拜其昌
人生娶此妻何必賡姬姜高冢今猶在連理樹成行
魂兮風雨夜髣髴歸故鄉

弔葉貞孝

葉氏小家女住在德水涯父乃賣菜傭母亦頗愚稚
爲人泔泔統三餐止舖糜獨餐此幼穉進退有容儀
把書能識字大義未嘗疑種種經其目不學而自知

但苦惡媒妁峻拒必嚴辭父母或勉慰往往致參差
問女年幾何昨歲已及笄烏雲委地長金蓮行倭遲
口如櫻桃果腰如楊柳枝臉際若芙蓉遠山若其眉
曼睩起層波細語聞清吹窈窕艷城郭見者魂夢迷
朱門大公子白馬冶遊兒或作尙書郎蕊榜掄高魁
殷勤話蹇脩珍重達懷私青雀白鵠舫絡繹比雲霓
金車玉作輪流蘇四面垂齋錢三百萬皆用青絲縻
雜綵三百端明珠價不貲願爲比翼鳥百歲以爲期
阿母謝蹇脩君可自謂之我願不敢請此子性嬌癡

蹇脩謂阿女慎勿失此機阿女拜端肅薄嗔更有姿
上言父母老罔極多恩慈下言秉陋質金屋非所宜
未用作新婦爲夫結帨襦不然見逼迫舉身赴河湄
蹇脩低頭去諾諾復咨咨阿女在窓下父母賴維持
左手以刺繡右手以縫衣朝織一匹棉暮織一匹絲
雙親但坐食家乃有餘資秋蛩聒夜雨春樹鳴黃鸝
獨舞亦獨歌融融而怡怡時或望天際烟雲生遠思
其日凌晨起梳洗攝華裾作禮向父母若將有別離
父母以爲戲莞爾任所爲頻頻視日影酌量晷刻移

翻然歸卧榻闔戶下簾帷跣跣西向坐精魂騎尾箕
阿母忽心動入室捧其頤始覺其已化大慟聲號悲
鄰里喧來觀繞屋壞垣籬手結三昧印周正不傾欹
玉體猶溫軟香氣勝蘭芝厥惟萬歷末四十有六期
仲夏十有三榴火正葳蕤午年當午月午日又午時
人皆歎其異與理恒難窺將無得道者借向逆旅羈
見首不見尾遊戲表神奇我欲竟此曲此曲何委蛇
落月滿屋梁顏色儻在茲

贈一百二十歲范道人

德州志 卷三 三九
道人一百二十歲瘦骨峻嶒鬢髮蒼坐對白鷗浮水
靜行牽黃犢種田忙頗聞愛日依慈母直數生平到
肅皇陵谷遷移深閉戶烟霞廓落獨登牀空心不用
看書卷渴吻何曾問酒漿業做逍遙遊廣莫身餘渾
沌屬中央頑仙縱未膺真誥庶老還須入下庠却笑
蜉蝣空復在謁來楚楚炫衣裳

國朝

長河偶記

李 淡

歷歷牙樁插浦間海門潮接九河灣西來一派朝宗

水經過于山與萬山

重脩矩亭感題

李 源

東郊別墅舊林垞還向空園起矩亭堂構重開循故
址圖書長在守遺經賈逵父業千秋重鄭衆儒門再
世馨敢道室成輪奐羨松筠未改曩時青

夏夜吟

夜月清如洗冰心託玉壺竹君千个在石丈一峯孤
獨酌開青眼微吟撚白鬚故人書昨至遠道憶吾徒

贈言四章

趙起鳳

曾六飛士龍

家計累千金棄之忽如遺蕭蕭歷寒氈甘心而不辭
温故多知新可以為人師能默兼能忍知雄守其雌

孫漢章織錦

繫懷在伊人温柔而端亮文心艷如花檢身無流宕
非義時相干安受兒局量一語酬一縷焉能得吾忘

張聿新逢運

默理惟有我與爾知黑與知白干言其

世間人

盡黃菊香勺帶雨開斜日平臨高閣轉長河曲抱小

堂來舊游朋輩今安在壁上遺詩絕可哀

壁有陳可繼九日詩

高植墓石歌

田雯

屯氏河厓秋雨場中有片石鏤文詞殘缺漫漶不易

辨亥豕魚魯多支離曰君諱植字子建魏濟青相司

徒兒豈是曹家瘞舊物官號封削無臨淄淘洗摩挲

搜石岸下紀年月稱神龜跣跋人代越千載六朝荒

碣遺今茲渤海蓀人父名肇北魏高氏從可知宣武

當年寵外戚赫赫權勢何恣睢北伐彭城遭毒手朝

野側目無不爲一旦馬倒車軸折瑤光尼寺同傷悲
十八爲郎有令子六州刺史將軍麾銘詞不識何人
作或者傳信非傳疑瓦棺古墓埋朽骨斜陽逝水流
空陂此石一落土人手磨鎌搗練西風吹我行臨河
忽三歎河邊古塚青纍纍美惡是非不一轍嶧陽峴
首各有碑魏收穢史簡編在考徵解事方朔飢恨未
讀書空涉獵不然幾使冤陳思

十二連城歌

連城城北十二城村墟草木皆甲兵舊鬼磨滅三百

梁赤水經

世情何反覆思與古爲友開懷聯知心投轄將斗酒
孝友媿曾薛前後誰與偶嘉懿孚輿情稱說不絕口

秋日登城西樓

陳鍾英

西風蕭瑟一登樓野色斜陽望裏收歷亂蒼葭迷大
澤迢迢鴻雁度高秋煙浮九野青齊月帆挂千檣吳
楚舟極目中原回首處書臺劍塚摠堪愁

孫書臺過訪雲莊

蕭惟豫

深於酒味今無幾酒熟貧家堪一醺謝客多年惟道

德少志 卷三
癩安貧百畝轉須勤清風明月何勞買漁父樵夫好
作羣他日相思便相訪東村二老我同君

春日湄園

夙有山林癖城居卽是村荒園栽棗栗難字解兒孫
籬斷花分徑河灣水到門風和慈竹動聊以慰晨昏
傍水宜池沼蕪花列果林開渠因地勢接木見天心
日晒沙邊網風吹壁上琴詩成多漫興松下獨行吟

九日登慈氏寺閣

趙其星

四首 何有莪收身喜不碍登臺紅林影亂隨風

載天陰雨濕青燐生當時靖難戎馬作旌旂斜捲安
陵郭五十萬師自南來方山之麓埽秋籜燕雲黑壓
金川門齊黃二子徒紛紛濟上猶傳鐵太守白溝空
恨李將軍衰柳殘陽長河口鴉陣障天不可數菴花
豆葉爭秋風平蕪迸落戰場土

移居尊水園祭盧南村先生

葺屋三間子美亭先生醉卧不曾醒空園竹柏多搖
落九點齊山未了青

甲申春日作

謝重輝

憶我摠角日猶及見先民衣服多布帛舉止恒斷斷
大抵倚忠信尤重儉與勤間或招賓客莫非骨肉親
籩豆倍謹潔八簋無山珍職思絕分外作業戒因循
量人以為出厚薄求中倫倘不細斟酌恐致樂而淫
比來似弗如此意棄如塵俗吏廢教化但知善一身
風俗日凋敝古訓任沉淪飽食不事事見異輒效顰
設席競豐贍衣冠爭鮮新馬上誰家子嚮首鍍金銀
道傍何人宅高門巍嶙峋揚揚意自得歡會不厭頻
以茲竟蕭條十室八九貧統袴不餓死此語恐非真

禮部張尚書墓

披老支殘俸休官折賜緡
葬時貧徹骨遠日土侵衣
細路樵人上荒岡野雉飛
春秋誰奠酒麥飯薦應稀
兵部張侍郎墓

當時懷直節今日拜荒墳
斷碣埋秋草頽垣上墓雲
人傳輕尹直友喜重韓文
苗裔知誰是悲哉竟不聞

工部程侍郎墓

路出程公墓遲遲下馬行
風清懷壯志野曠想高名
致主還三代逢人薄四溟
至今指佞草猶傍墓前生

感里中親舊

程趙愛文史正夫鄉黨號書淫二李喜精深陶菴卷

軸無纖塵蒙齊獨好奇詰曲不猶人大木尤挺拔造

語每清新解后必昵我暫睽猶比鄰綢繆羨僑札反

覆笑張陳回首三十載含意向誰申一起鍾期思揮

琴淚沾巾

永慶寺

禪宇官衙後山門徑路長有花來酒客無室賃茶商

暮鳥投殘閣寒鐘送夕陽成宏三足鼎猶滯老僧房

濟南

低頭蠶尾思懷百放眼山薑喜鬪新耳食紛紛問流

派不知身是濟南人

蕭韓坡太史招賞梨花風盧道悅

城中花少開亦早主人往往惜如寶鎮日扃扉未許

看一夜東風花盡掃先生結構在南邨特向人間關

瑤島手植奇葩三十株幽香冷艷色純皜嫣然一笑

竹籬間萬紫千紅搥壓倒我如腐木心久灰為赴君

招怕花惱就樹鋪氈開大尊清談雅謔暢懷抱醉態

偏宜月下看一林素映白髮老問君何時製得御風
旛不然何以城市飄搖此全保先生顧我見何遲盈
虛消息乃天道君不見商山喬木高拂雲又不見灞
橋垂柳今枯槁同是乾坤雨露生動者先摧靜者好
春燈詞二首

幾處星橋夾岸紅柳條吹暖試燈風應知一夜梅花
發多在香煙火氣中

屯氏河邊賽水神董生祠畔月華新遊人爭上城頭
望蘇祿墳荒草欲春

陵州詞六首

桃花水漲御河濬手挽長竿下釣綸細柳穿魚盈尺
大離離三十六金鱗
柴市東頭古道場春兒女競焚香茶坊酒肆蘆棚
下高唱吳歛賽藥王

笠子蒙頭傍午行壓肩竹擔繫長繩沿街銅斗聲聲
喚小戶兒童解賣冰
沿村柘火夜青熒星斗羅羅天宇澄手把殘荷畝野
岸夜深打點放河燈

德州志 卷三
月明時節照千家齊買中秋五色瓜晚向廣寒修故事
事銀刀巧樣劈蓮花
麴米香生缸面開黃雞秋老作羹材詞場酒戶人多
少都辨紅牋速客來

邵烈婦李氏詩

孫勳

白日何黯淡素雪息離披似聞述烈婦天地爲
之悲吾州李氏女嫁作邵家妻年紀未二十顏
色頗稱姝以禮時自防尺寸無偶踰其姑方此
汲良人未歸廬卒然遭強暴殉節志不渝英靈

死豈泥塗人間鬼呼賴有賢使君神明今世無
赫然奮天討擒賊不須與曠陰爲開霽歡呼亦
載途大節誠可嘉

丹詔旃其間作詩勒之石萬古綱常扶

所思之一

周子深秀才

避俗眸如刺談天口若河家貧宿春少書富等身多
松徑叢榛莽柴門鎖薜蘿尋常來往路十載畏經過
謝方山別墅次漁洋先生韻

蒼涼九龍口寂歷謝公村春水空浮岸風帆不到門

誰令問津客間訪武陵源相見頭俱白心期那復論
自題鬲津草堂 田 震

數間芻屋傍城隅揚子天教寄一區遙對水西慈氏
寺時拖藤杖訪文殊

風帆來往知多少款乃聲聲亦可聽閒事千般渾不
記何妨獨築數帆亭

歸里

李 棟

葛巾筇杖野人裝老病歸休正不妨食藥久諳薑桂
辣裁衣新試菱荷香平原嶺畔山蘊舍馬頰河邊待

讀莊蠟展不須尋五嶽願從二老家鄉

秋日登慧光寺閣遠眺

李 棟

凌晨登高閣秋容皎如練青空忽西垂天風吹我面
長河西南來帆下疾於箭馬頰揚飛塵潺湲勢一變
還顧城市人紛紛五管風聲坐廣庭間下視蠻觸戰
憑闌一長嘯幽人笑我笑我笑我笑我笑我笑我笑我

灑園

桔槔灑南園
黃虞去未遠幽人出
笑說瓊瑤老抱甕空爾為

黃真夏日村居

驅車向東臯還與
夏果時雜陳村醪飲
短籬招遠風青松
高卧北窓下聊以
夕日倚柴門寂寂
蒼茫墟烟上林
雨歇青天

幽懷慮難

李氏古槐歌

吾家仙宗闢草堂老槐突兀千尺長
天風吹空飛雨至緖雲四卷排雷
碩霜皮慘裂枝屈鐵盡刪繁弱無
新妝故老相傳二百載四槐貽自楊
侍郎一朝勢去悉破碎吁嗟喬木供
斧斨獨留一株守東隅老仙不老更
興亡主人好古自成癖每逢舊物心
彷徨誅茅卜居揔爲此買屋不惜千
金償曲欄小徑連長廊旁穿池沼荷
花香招邀嘉客依樹坐酒酣高唱神
揚揚謝公文章如虎豹偃師老令詩
顛狂瘦羊博士尤清

絕寒光映骨排琳琅此樹久汚奸人手撫今追昔獨
激昂正如竒才遭淪落晚乃始得揚芬芳

矩亭獨坐

徙倚草亭下松風引興長園林無彈射禽鳥自廻翔
樹古蒼烟合泉飛石逕涼幽居罕人事高卧傲羲皇

晚宿曲陸店

微雨忽已過夕陽雲半收梨花晚更白樹色遠偏幽
歸鳥飛將下清川澹不流遙知村舍近烟上渡東頭

過杜亭弔南村先生

曾繡山前太瘦生南村高卧戶常扃十年游宦傷陵
谷五柳歸來半醉醒歷歷酒痕隨物化蕭蕭樹色向
人青中郎死後書還在茅屋秋風子美亭

偶成

遠寺疎鐘響荒村淡月明牧童歸去晚叱犢兩三聲

矩亭

矩亭亭下綠成苔曾記東山避地來六十年間垂手
過牡丹還照舊時開

蘇祿國東王墓

趙善慶

梯山航海朝丹闕赤綬金章拜鳳樓生寄百蠻居化
外死歸萬里葬荒邱層雲渺渺魂南望細雨瀟瀟水
北流世事久從陵谷變椒漿欲奠使人愁

夏日過濯錦園

田中儀

為愛園林好尋幽趁晚晴華亭存舊蹟濯錦自佳名
曲徑莓苔滑踈籬草樹清到來瞻詠駿俯仰有餘情
九日同人張飲落星閣

魏丕承

痛飲真名士攜尊作勝遊何年天隕石此日客登樓
紅葉荒村晚黃花古寺秋不須搔短髮此會劇風流

近思齋偶賦

宋來會

崇閣負橫城南望何寥廓萬象如拱極清淑氣迴薄
百年幾頽垣一朝忽煥若素心者何人今古共商酌
相期雲中鳳奚啻雞羣鶴憶昨風雨時驚心恐搖落
童僕詫聞見疑懼鬼狐躍紛紛興訛言性定吾能却
矧茲歲月習浩然遂共樂

上州牧陳公箕山

公建學課士士之以文見知者感公飲食教誨皆
不欲寂無一言夫俗情固不足道矣至歌詠德意

暢其心之所欲言此亦風詩之義也故作長律以發其端既而人各有賦遂成巨帙焉

聖世崇文教承流賴巨儒質同金箭貴德與瑾璠俱弱歲蜚英譽奇才蘊大謨偶然試百里遂已潤方區異績身膺薦口碑名載塗掖河志遺愛德水喜來蘇三月民風變期年士氣殊育材隆學校分舍聚生徒味掇香芹羨芳舍碧藻腴殷勤鈿蔓草懇惻種靡蕪課學無時倦論文盡日娛藥殮給朝夕燈火賴勤劬拂拭視龍尾優褒分

鼠鬚凡茲士餽費盡是俸錢沽有志乎騰躍懷

竒樂奮趨人思答明德士各恥罷駕誠感風雲

春山合深沾雨露濡良辰歌嶽降瑞靄應聯珠

射古登振河閣感懷 劉友田

層簷飛閣臨無地獨躡危梯百感生劍冢一堆荒草

合連城十二野雲平風傳畫角秋鳴咽霜落長河水

獨清只向夕陽搔短鬢青袍辜負魯儒名

按友田子戎昆之子

也補衛學生清才遭俗未五十而卒

同趨慎庵盧抱孫過柳湖

羅植

曾是當年舊柳湖
望中芳草綠模糊
長河轉處亭孤峙
碧樹陰中鳥亂呼
九日開尊同把酒
十年高咏競操觚
重來憑弔懷今昔
董子臺邊地半蕪

古槐堂印事

田同之

槐古尚餘清閒堂
落照明百年松與竹
三世弟兼兄
春雨思前輩
秋風感後生
低徊同譜誼
今昔不勝情

永慶寺銅鼎

李國柱

曩賦此鼎誤以為唐
天寶間物今按其款識則明

宏治也作此正之

平生寡見聞於古
嗜竒玩微事失精詳
往往啟辨難
昨賦銅鼎詩顛倒恣塗竄
彷彿唐與明
誰與辨真贗
歷盡恒沙劫應識本來面
而持此謝空王
聊復一笑粲

羅酒歌次和西山

宋弼

酒星在天不可從
酒泉在地無由逢
汝陽仙去已千載
安得麴部釀王封
我昔田間咏勤苦
濁賢清聖時復中
青銅三百論斗買
酒法豈計拙與工
城中賢豪多好事
家家秋釀菊花濃
就中羅酒稱第一
清如玉

雪傳高風尊前那誇荔友綠小槽何用珍珠紅麴材
屑麥糜煮黍六琯律主黃鐘宮三秋清泚露氣入九
醞暖逼霜華融清冷錯認康王水蓮花玉井歸天東
採浥河流推劉墮氛氲未辨誰雌雄三十年間飽鄉
味往往一飲百分空卽今買屋城南住臣居近市連
新豐市樓滿貯江南酒釀甜那得傾千鍾偶然訪君
成小飲驚風送雨陰冥濛君於酒人稱大戶何爲不
飲思憧憧燈前只憶羅家釀云如酒國開屯蒙髡能
一石伶五斗客船爛醉殊匆匆此邦從事別幾載策

勲尙念齊州功因風問訊故人在道我相憶今無窮
爲君笑舉蓬萊盞長城聊用偏師攻步兵厨與大樂
史明珠魚目猶難同他日陵州酒船到請君一躍連
錢驄且拂長箋洒洒氣想像出岫雲迢迢

許虹橋留別步韻

魏廣智

清詞別我意躊躇無限心情一紙書俯仰今春時已
暮低回往歲事成虛經傳孔壁終須上玉韞和家定
不踈無事臨岐搔白首拂衣竟去看何如

題吳西嶺詩後

幾翻讀史苦難通新舊唐書辨異同今治韋翁稱現

地舊唐書地志長河縣條白橋劉相誌雄風按崇文

內有今治是也四字駒續唐書不加卷帖皆就韋述原文摠目劉

續增石晉防守長河故誌此地特詳小壺不列元和

簿西縣誰移永濟東直待歐陽成信史繁文刪盡葛

藤空唐自河北逆命一切私移私建

載在舊唐書者歐陽公悉刪之吳楚椿

古利常臨衛水濱千秋人事幾番新自貞元乙丑至

百七十不知河道經三徙疑是阿摩已渡津乾隆已卯計九

四年 卧雲飛下老禪師正是强藩得志時衛水東西忘爾

我白橋應許是通達按通鑑碑文

誰家慈氏結叢林留得嘉名直到今願祝大年圖永

慶兩邊般若一般音據碑文

秋夜笳鳴戰士驕鎮州重鎖薛昌朝沙門彼岸為營

壘移得長河就白橋據通鑑新舊唐書列傳

橫海兵臨永濟河鐵門為限豈能過那知奪得弓高

路不向禪林禮達摩據通鑑新舊唐書列傳及九域志

旌旂夾岸柝傳聲巡檢沿河自典兵縱使佛門多妙

用金光未許化長城據通鑑五代史

李晏胡盧作翰屏沿邊拂岸柳條青長河鎮上人烟

少誰信慈航可誦經據通鑑五代史及明史

堯佐新堤起滑州支河幾處水橫流自天禧年來邑

宰愁難渡始問空門似舊不據宋史

將陵埽決壞民田漫說新堤十倍堅幸有河頭經律

在西涯便是大羅天據宋史

縣移來古寺旁商英入奏築堤防龍行只傍東厓

好護西天選佛場據宋史及山東通志

元新創好規模學舍官衙傍驛途最愛禪心塵不

染開軒常見水縈紆據元史及新舊州志并葛稿

河上新安丞相營陵州此日又稱兵旃檀古殿無人

埽瓦礫當階處處橫據元史碑文及故城志

依河分布將軍屯般若臺邊列棘門佛法不登兵備

志空存半部在西垣據明史一統志及衛州志藏經

重煥宮牆覺萬民齋厨又見一翻新温良不比金剛

性西倒東顛未忍嗔據一統志及新舊州志葛稿

黃册頒來別井疆欣看瓶履出東廂門前自有旃檀

海願借西風一葉航據新舊州志葛稿及州徵糧册

磚城初建屬元戎古水斜灣不復通漫說年來多護
衛而今隔在御河東
據元史州志葛稿碑文及海右陳人集

州衙移就衛城隈壇建河東祀典開賢牧無心脩佛

事琅函封閉俟將來
據新舊州志葛稿并藏經

廣殿雙開自昔聞傳燈竊幸燭光分緣何永慶移城

市自向春官乞度文
據碑文及一統志

水徙河灣耿氏家西流北轉又東斜憑他巽一灘頭

起一點慈雲可汰沙
據碑文及州徵糧冊

舟子新河駕小舸居然佛殿出東臯年來四面皆秋

水收拾銀鉤好釣鰲

繁露書院種柳歌

李玉基

方山之西衛水東繁露書院在其中門外桃李能紅

白門內楊柳眠東風國子先生昌黎後大名字內維

山斗臃腫拳曲嗟散材封植栽培施巨手萬縷千條

一向斜輕陰淡淡襲絳紗行人漫說靈和殿居者錯

認陶合家垂欄拂檻簷前挂一抹烟雲堪入畫垂之

百年復百年手澤長存勿翦拜

十二連城歌

李有基

德州城北十二城云是前朝之古營荒原日暮陰風
響慘淡如聽冤鳴鳴自昔燕王覬神器外蛇內蛇紛
鬪爭黃齊移藩討不果燕南戰鼓如雷轟當時推轂
風霆行景隆奉命專戈兵白溝拙計期一決南風驟
歌多死聲虎貔熊羆五十萬紛如槁葉隨風零踉蹌
退保藩已破瓦飛竟使成其名漢家亦聞七國勃吳
鼻楚戍交縱橫摧枯拉朽反覆手子孫草薶無遺莖
高才捷足古來有獨於一本分枯榮繼體天子信文
弱太祖孫漢弁髦輕盛衰轉眼碁一枰壬午甲申天
示誠金川門事幾何許已無人奠金甌傾統緒豎子
何足道青史穢傳羞北平蕭蕭殘壘衛河畔悲流不
斷千年情

謁鄉賢祠敬識

先進觀型切

天家秩祀隆鍾英安德右安宇廣川東筆露揮繁白
帷燈映遠紅舉賢從此始啟秀更無窮唐宋楷
模在元明矩矱同矜言稽古典尤喜被

皇風香溢林邱侶榮增綬冕躬趨蹌來牧伯奔走屬

皇風童蒙永錫吾鄉式深懷大道公書留者舊記地
 接聖賢宮敢忘貽謨志徒慚繼序衷顧瞻邊豆
 列循省倍恍恍

(Faint bleed-through text from the reverse side of the page)

德州志卷十二

藝文

大凡志乘終之以藝文非徒以文重蓋將
 全志而一以貫之也故詩文有係乎沿革建
 疆域河渠政事節孝足資考据引証者一一
 之是固志之終條理也至於此邦之人績學著
 書或存或亡謂之一家言其言之醇與駁弗可
 知也標其目傳其名以俟尙論其人者

以爲其目尊其各以新向歸共入卷

德州志卷二 藝文

德州志卷二 藝文

德州志卷二 藝文

德州志卷二 藝文

德州志卷二 藝文

藝文

德州志卷二

藝文

陵州興脩學廟記畧

元 臺德璋

學校者致治之本原也古者學校之設節民性與民德防民淫齊民俗風俗恬而雍熙行王澤沛而頌聲作故有天下者果欲致治舍學校之教吾不知其可也我國家自建元以來深惟治本屢降德音加先聖大成之號令天下立學慨然欲復三代之盛雖僻小之縣莫不有學蓋惟陵州爲要郡而夫子之宮舊在

城東南隅地形窪下水潦時沃城東南隅者陵州無也繫傍河干故城指州治之東南言

日水潦時沃 至元三十一年知州秦公政卜遷於

此始建正殿既而知州衛公益之興起兩廡圖繪賢

像惟戟門闕焉逮今知州杜公顏鄉下車以茲役為

已任置祭器課試生徒督率人吏讀書會學正齊公

舜鄉始擁臯比毅然恢樂育之志謝絕人事終日訓

迪是以青衿成集員數逾百成材者衆然後知天下

凡廟貌卑陋學校不興皆有司不為存心所致然也

昔文翁治蜀文風丕變常衮掌閩教化大行豈昔人

有不及哉而令匪殊願力

公忠竭職分知所先務不負聖朝

樂育之深心於是州之士大夫欲紀其事徵文於余

余目所親覩姑叙梗槩云

舊志備載全文今節錄之

重修二郎廟記
（此處文字極其模糊，難以辨認，僅能依稀看出“重修二郎廟記”等字樣）

重修二郎廟記

元 孟 泌

泰定丁卯秋七月博野林公由民曹幕出知陵州事
下車越三日遍謁祠廟禱祀以興嗣歲遵故事也至
昭惠靈顯真君廟室覩其基址傾側棟摧瓦裂上雨
旁風無所蓋蔽歎曰人之事神本以為民也神之歆
祀以其能禦災捍患有功於民也神昔守嘉州老蛟
為患河水泛溢湮沒民居乃持白刃入水府斬蛟以
出其禦災捍患為何如歷唐迄宋累加封號載在祀
典未嘗缺也今之祠宇若是神之居且未寧其何以

享祀事神之禮未備又何以爲民而求福也國家明德卹祀無文咸秩況其當祀者乎慨然有改作之意州之人士乃率而相告曰我公事神之意甚謹恤民之意甚亟吾輩豈能愬然乎於是工師獻技匠人效能林藪貢其梓材陶冶輸其篋篋富不惜其財貧不愛其力赴功趨事不日告成廟三楹堂厥陞峻棖題簷牙翬飛鳥萃垣墉墜茨光彩煥爛神像巍然起畏起敬又於旁起龍神昆蟲之祠以備歲時蜡祭祈年順成亦公之意也

飢饉洊臻自是厥後有所必應雨暘時若來牟熟而受厥明豐年穰穰期享多福咸願紀實昭垂厥美俾來徵詞予職在史館託言載事不敢辭天歷二年孟冬末旬日也

冬未日也
 本縣儒學
 其地即
 今縣儒學
 其地即
 今縣儒學

陵州重脩儒學記畧

元梁 宜

至正九年夏四月獲鹿賈侯棟以山陰尹政成膺詔
 選知陵州視篆三日拜謁先聖廟庭顧瞻禮殿傾頽
 門廡摧覆垣墉豁圯誦聲寂寥卽以興脩自任監貳
 諸應州有尙義者競輸物以佐之木石僈斲畢備僦
 工傭匠俟日往董其役暑雨不輟遂完漏而正傾纔
 三閱月仍舊一新而雄麗勝昔增生徒勉富家子弟
 入學復其身以教勵之州之儒學學正王克明以爲
 事有紀述遺蹟奚彰乃捐俸市石將記歲月狀其事

在平以文見屬余因序其事而記之

[Faint bleed-through text from the reverse side of the page]

德州重修學廟記畧

明顧孟喬

景泰己亥春予奉命來茲土監儲惟九月既望越七日辛未知州洪侯釗衛侯鼎臣暨學正高君福揖而進曰廟學創於元至正間殿堂苟簡取具而已國家肇啟文明重建學校于是改築於州治之東南洪武十年移學宮於今地時州治未遷尙在河西故曰東南顧碑原無錯誤唐志安志胥錄其文可以覆按康熙十二年脩志時見州治在學南遂將原文歷歲既久日東南二字改成北字不自知其誤也

就傾圮湖廣鄒君銘來知州事謁廟瞻顧殿堂門廡敞陋弗宜乃與同寅州判沈君謙暨掌教蕭君崇同

心協謀各捐已俸召匠計之而揮使傅垵舒通輩與州好義之家慕義樂助於正統十三年四月十有二日經始舊殿狹隘四配十哲無以秩其位周旋進退不足行其禮故於殿之左右又翼以四間其廣八尋其深十有二尋兩廡門牆泮橋悉徹其舊而易以新堂之朽者易以良材壁之壞者甃以堅甃事未竟鄒君以外艱歸釗與鼎臣竭力以繼焉然後神厨神庫宰牲之房籩豆簠簋井泉之亭魚輪並美脩文昌祠以增塑像建董子亭以妥石碣

景泰時並無啟聖名宦鄉賢三祠故碑

不載蓋三祠一建於成化兩建於嘉靖厥後脩學卽脩祠並無鄉賢祠圯壞之說與夫堂軒齋舍門額牆垣會饌之堂觀德之亭靡不完矣乃於景泰五年十月三日告成廟學一新衆士咸慶第無碑刻懼事或湮乃請記於余云

軀校謝事知聖以備出外余云
 景泰正平十日三日吉與德學一陳來士與劉榮無
 齋舍門齋謝事會謝之堂讚盛之亭韻不完矣以於
 對神學門前臨並無際置臨此對之館
 不離蓋三師一長以知小西我外嘉德州 與夫堂碑

德州董子祠記

明 德城 記

董子生孔孟之鄰封少力學至三年不窺園遂究極
 斯道西京諸儒不及也其論道之大原出於天合子
 思分義利王霸合孟子對天人三策又有得於孔孟
 體立用宏顯微不二之意致君三代比跡伊呂誠有
 其具焉尙論者雖兩程朱氏未始不推尊之以爲度
 越諸子至洪武乙亥從行人司副楊砥請以董子侑

食宣聖廟庭憲宗朝又用輔臣言進爵廣川伯董子
 之道益顯正統辛酉知州韋景元

脩通志之時州志
 刷印模糊脩通志

者做其字形譌為常景先查唐志安志皆韋景元得石碣於廟庭東廡下夫

書深刻董子讀書臺五字詢其故址復焉故址乃後人約畧之

詞繼知州事王縉及分督庾事戶部主事畢孝荆祠

堂八楹於臺後合鄉賢以祀名之曰聚賢明成化癸

巳也今山東參政林君按察僉事鈕君行部德州以

舊宇圯陋且位大儒於從祀非便董子宜特祀不請合在羣賢之內

於巡撫都憲熊公以命濟南府同知王從鼎俾為專

祠八楹前後廂房十有二楹仍築臺榭故碣於寢堂

後事覆之肇工於宏治乙卯孟夏踰四月落成

所當出規措釋禁之日士民大悅

可無記於是兩君走以請余謏學辭不獲謹書之

生於斯學於斯者慨鄉邦之先哲當暴秦絕學之

後獨為其難者我乃優游暇豫弦誦之區可致道而

忍自負於盛世耶勗哉其未達如董子之志毋燕遊

廢業其既達如董子之策毋曲學阿世又因以進於

程朱上窺鄒魯以副我列聖主張斯道之盛心庶斯

祠之成不止於潔豆登俎輪奐而已道泰之徵由一

州而占海內可知焉諸君之功顧不大與熊君名紳

登乙丑進士先爲監察御史歷按察使擢居今職林君名先甫乙未進士歷禮科都給事中鈕君名清虎成進士歷監察御史並以才行推擇起爲方岳觀此舉可知其政而得其人是爲記

按是記爲董子專祠考據不可不載記中誤以平原爲今德州不可不辨原文進爵廣川伯下有舊屬平原平原者今德州也十一字按廣川縣原屬信都郡又改屬清河郡並未屬平原漢書可考平原郡首縣爲平原縣德州爲漢鬲縣兩不相涉原

文董子之道益顯下有廣川實其故鄉有書院在儒學東久廢十五字按隋廢鬲縣於鬲縣西立新廣川縣歷十四年改名長河唐元和四年王承宗私移長河縣於御河西岸今學宮基址卽在御河灣內舊名長河鎮曾立讀書臺石碣非明初有書院也自洪武十年移學宮至正統六年方六十餘年移學宮卽有東廡何得有書院久廢之說所謂書院久廢者指唐宋金元約畧言之也存之益以傳譌故節刪之

後學秀水張慶源附識

天地間此爲最壽而金石爲天夫甘露麟閣永平雲臺其制固欲垂不朽然今已化爲浮塵蕩爲太虛而西都之十一人東都之三十二人則迄今照簡策而不衰是所以爲壽夭者在此而不在彼也明矣况此石旣立此名旣題安知後之人不有如司馬君實歷指其名而議之者乎諸生幸自力於善毋以出身之途自小勿以名勒此石可忽必使學問如董節義如顏必不爲後人所指摘此名必與此石爭壽夭斯善矣恃石爲固而漫不脩其在我卒之一善無聞草木

同腐則人將誚之曰茲州之地猶靈而人弗傑也恐異時邱墟草莽之中此石又將與周宣之鼓同一礪角敲火之患矣而名將誰恃以不朽哉敢因王守之請以是爲諸生規若夫識歲月之久近第姓氏之後先此作記者之通例也夫我則不暇

嘉靖間德衛進士歲貢題名二碑載在唐志字已模糊難辨

序若曰德州倉舊在北關外正統己巳時多故以監
督者之議徙城內而公館如故至秉彝始徙於倉東

遺文舊蹟多逸前此諸公之姓名遂不可復考

舊志職官

內分司自張倫始職是之故茲不有汝重焉則秉彝而下莫之考

亦未可知也致祥嘉汝重之用心懼榜之弗能久也

乃礮石而刻之且虛其下以俟來者書之例首年次

銜次姓名而以字貫出身系之一遵汝重之舊也嗟

夫士脩于家而效用於時固非監督一事所能盡而

休聲令聞亦非區區碑榜所能輕重也雖然名斯在

矣責斯脩焉其升沉存歿要不能以皆同而是非臧
否輿論有定使觀者得以指摘疵累而置喙焉亦警
戒相成之一助也

勵士如疏增衛學貢員并給廩膳接引多方不獨茲
栢也於戲洞菴之於鄉校身樹之表儀久矣文德奉
命南歸舟過廣川博士王价請記其事乃臚舟記之

風于平此其基燕士樹於學日濂月盛亦濂其矣
以木新奔甲發坐亦寅外長乘茲歲而樹之千重
沐三日木失卧古濂其矣之發燕木中其千以歐
下此神聖於德德德甲寅歲其神神神神神神神
新風新風新風新風新風新風新風新風新風新風

祭衛河神文

明 趙時春

凡山川興雲出雨有利生民者人咸以為必有神主
之矧自大河南徙九河諸水咸於是會專達於海尊
同四瀆又為國家運漕阜貨脉絡兩畿襟舌八州神
之利益顧不大哉時春曩於庚寅之歲疏乞却瑞禁
諛自抵狂辜道於茲河嘉靖九年 蒙神宏庇大著
靈曾祝有事茲土廟食以報神休今經二十三載統
兵于斯以衛畿甸三十一年任兵部主事參仇戎馬
糗糒由河運致土地人民賴神降澤丕振兵威托神

嘉靖九年 蒙神宏庇大著

佑助昔承靈貺今叨職守神之闕祠實惕厥衷不遑
寧處建宇揭主昭虔妥靈遵禮稱爲衛河水神之位
稱至於神尊莫大焉世俗煩黷不敢妄加伏惟時降
甘澤以阜我民通利舟楫以裕國用震迅雷雨以掃
烟塵將時春有大賴焉故茲昭告尙饗

德州學宮建文昌閣記

明 邢侗

黃岡劉公謂巽曠昂聳宜起文峯乃謀於薦紳士庶
父老子弟建閣焉文昌居之閣以穹測爲赤五十環
而計弓三十有六上出雲霓下臨無地巋然方州一
巨觀矣肇於丙申五月十日訖於丁酉三月望日是
歲登錄者四一冠賢書於是州人羣走予舍丐言新
石侗懿其旨却聘而領以文荏苒紀餘逡巡未果於
諫程公紹司農宋公鴻儒復以書見屬敢託穎氏臺
勒貞碣庶答廣川士民之勤已爾劉公名道號聚齋

楚材最良今為名二千石云贊曰
 有頌斯閣龍首爰亢文昌赫臨文教彌邕鄒魯駢駢
 奪解靡讓人歸我公公曰靈貺廣川世延台躋臚唱
 我公之庸庸可形狀千秋萬年與詠哲匠血食廟祀
 卜於今晷

記多麗辭節存之以紀其實

重修德州城記

明 陳亮采

德州控燕雲而引徐兗襟趙魏而帶溟嶽神京藉為
 咽喉漕艘由之通達其地置州一衛二守禦之將一
 遊奕之將二防邊之士六千漕運之士一千乘障之
 士三千又歲轉他藩儲精至數十萬計輸其中特遣
 度支郎一人治之詰出納焉浩繁衝劇宇內無兩蓋
 屹然重鎮矣城初建昉自洪武歲久漸頽潦津之所
 侵泐狐鼯之所穴窟垣堞樓櫓傾圮剝漫而無以為
 固大司馬中丞黃公欲經營之會東方數有大役十

餘年間飛輓困於遼東舉畚疲於河上六郡之積如埽二役旣罷歲復大飢旱蝗相仍民餒且竄戊巳之歲河浸嚙堤逼城僅數武勢將無城公謂民不可勞也費不可省也而役終不可已乃以䟽上欲割上供旨格不下公謂旨格而議不可格封疆之事吾得而專之惟是時誦而用侈役遲而費奢嘉穴而工窳必得心計之臣而用之於是遼郡丞孫君森任其事丞故敏而嫻於計悉心擘畫大畧謂用核則紉可羨也役速則靡可廉也鳩役歸之里甲而寬其費俾民無

厲焉噐物汰其苦窳而塞旁竇俾嘉無穴焉察人情之苦樂權利害之錙銖凡所條列無不曲當時予適以承乏備兵至丞奏記於余曰州地逶迤平莽無山林可因劓石燒礫之需資於車徒費數十倍且擾及民丞其問之水濱而非凡所見疑駭相半夫舟車水陸勞逸省羨之數其較然者矣余書其牘而躱之大司馬亦竒其策而從之由渤海口出大沽入天津而抵德水千餘里間安然無恙物用大集工作全興役以速成而費大省此航海力也始議金錢五萬有竒

今省費計五之二始議期三載爲率今省時計三之一至於長堤傑閣破浪凌雲之觀始慮不及餘勇可賈尤其難者是不可以不書予謂斯舉也數善備焉歛不厲民一也役不久淹二也嚴保障三也善搏節四也歲儉民飢賴役而濟五也余之記此非徒誇成績而艷壯觀也將以著當時經營之苦與東方匱困之形亦欲後之籌國者穆然深惟悟曩者屢興大役之失計務爲休養生息以庇其民使可以備一旦之用而無至於匱困也則二東庶幾有瘳哉

附錄高真觀記節畧

明孫緒

德州西北隅道院曰高真觀自勝國已有名之爲高真堂正德中改堂爲觀道士楊理聰居之殿宇門墉歲久傾敗理聰之徒邵守正與其徒張大孺思欲脩葺白署都指揮桂勇知州前進士甯河皆以爲然及落成謁余言勒石以垂久遠余援筆爲之記曰道家者流本於黃帝老子而莊周列禦寇之徒申而明之以清淨治身以虛明應物太史公列傳置老莊於管晏申韓之間漢藝文志亦謂其秉要執本秦漢以來

文景薄寶崇其學以致黎民醇厚天下富殷此道家
 本領受用豈若後世竊無爲之緒餘欲獨擅於長生
 久視不可知之事已耶

附錄重脩擡頭寺記節畧

明 牛 魯

德州城東南黃河岸上有村落曰解家牌有梵刹曰
 擡頭寺舊志湮廢不知始於何時我朝成化十八年
 則有檀越善士某等募衆重脩至正德九年延京都
 淨土寺天真法嗣沙門壽南峯爲住持復脩禪堂兩
 廡山門方丈庖庾井泉俱備集諸弟子朝鐘暮鼓協
 力梵脩上祝聖壽下祈民福一遵我太祖刀耕火種
 之例以自資給遂成禪林南峯遣其弟子圓普來求
 予言以記之

象摠角以姓名計遊州人士學行異等者董率之日省月程將於德之子弟觀厥成焉請爲文以記之垂諸後余曰嘻佟君其猶行古之道也夫古者自京畿侯國洎都鄙鄉遂皆有學學各置師凡民之不隸於耕稼者得與焉春弦夏誦操縵安絃聚之不患無其處導之不患無其人教之不患無其方養之不患無其資升於司徒論於司馬無遺賢無留良皆鄉遂之選此三代所由隆也迨鄉校遂塾廢僅京師郡州邑饗

先師於廟而學附焉其走橋門拜臯比聽鐸鼓者號弟子員然取有額非是輩也不得望學宮而趨故往往困於貧窶安於鄙陋今德爲廣川董子讀書地也州之人寧不躍然思繼其後

興朝建鼎人文颺起名鄉蟬聯實甲山左且直畿南北衝水陸之交舟車互錯五方雜揉語言嗜好區以別矣沃土者思樂竒服者志深見多者易趨德州之民教不可不急矣佟君請之守憲常君厥有同心遂捐俸錢建茲社學爲之闢鱣堂

置篋冊厚其締粟核其程課俾佩觿佩牒之徒
橫經鼓篋以迄於成人信茲役之艱且重也史
載文翁興文教於蜀稱古今循吏首考其故不
過飭夫子廟堂增顏回一人像而已此外無所
營建也韓昌黎之刺潮延潮人趙德爲州弟子
師蘇文忠在僑崖延州進士黎新化其鄉人皆
未聞葺學舍爲堂爲序爲垣墉爲階屺以惠其
子弟若今日佟君者佟君之功可謂勤而備矣
天子方汲古好學致太平作人之化佟君首出而應
之將見比蹤三代之盛不遠也余故
猶行古之道也君名淮年奉天遼陽人

德州浮梁記

常名揚

德州枕衛河爲城接軫畿輔固東南要路水陸
會通也兵車之至止郵傳之馳驅征商戍卒之
往還旅客居民之奔走魑結鯁冠之朝貢均問
渡衛河城之西舊有浮梁以濟涉歲久寢廢
國家有大征伐大司馬朝發羽書勅有司建渡多
苦不能應卽告竣波流悍急崩決不常勢必廣
搜民艇以待濟奸胥市猾罔念急公徃徃轉藉
之攫利榜人賄脫卽沉匿沙洲蘆葦中而不可

猝得師至望洋興歎罵詈碎旬僚倅遑遽至有
淪胥以謝譴者幸艤舟以須則或經旬不至以
致河流壅塞權稅無征公私交困者久矣署捕
楊鉉左衛千戎鄭天麒議建浮梁州牧佟君淮
年慨然自任曰此守土者責也請於余余喜有
同心乃與佟君首捐以爲倡且遍告縉紳士庶
而督糧參議徐君亦願觀厥成各樂捐有差命
千戎鄭天麒董其役署捕楊鉉佐之康熙己未
仲冬望浮梁成計舟一十三舟上覆以橫木東

西岸立柱石繫鐵鎖貫浮梁令相屬舟至則啟
舟過則閤隨波升降安若康衢浮梁之西築廳
十二楹爲停驂之署膳夫役以司啟閉施茶茗
以息行旅誠杼困之惠政也諸葛武侯有言治
世以大德不以小惠浮梁之建不必搜民艇以
防奸不必探師行以候日若兵車若郵傳若征
商戍卒若旅客居民若魑結鯁冠之徒咸從枕
席上過之無寒裳濡轍之虞僅謂之小惠已乎
且漕艘官舸販舟賈艇往來無留滯而關稅得

以充盈其有裨於
 國者何如哉是役也諮詢之詳慎規度之宏深工
 用之完美將事之勤恪創始善謀茂以加矣歲
 月既久風水衝撼沙岸崩騫葺理敝漏是有望
 後之賢者余記其始末俾銘諸石非惟紀諸君
 之績令嗣事者有徵則河橋之惠庶幾永久云

御書贊

謹序

為都運使李濤作

朱彝尊

聖天子經乾緯坤精一之心形諸筆墨寶題銀榜若

雲漢之章于天在下者莫不覩矣然羣臣拜

賜雖多恒出

萬幾餘暇臨做法書至於專重其人

特書褒美則異數也粵以屠維單闕之春

鑿輅幸浙金壺墨海肆筆成書爰

賜節鎮方岳以下有差於時都轉運使

臣濤獲

頒惠愛二字

臣濤

侍從舊員今職在司嗟膏脂不潤

宜乎

天漿及之也臣恭覽之餘謹拜手稽首而作贊曰

維天有漢麗於秋旻我

后宸畫昭回式鈞湛露之施豐草先被

殊錫褒嘉必於廉吏

帝觀於河來浙豫遊言為尙書事則春秋

帝曰咨疇汝

予侍從試郡股肱克綏有衆

命汝轉運天產汝司能惠而愛朕心是毗濤拜稽首

起舞而蹈捧此

奎文介圭匪寶裝之玉躐琢以貞珉欽於世世億萬

子孫小臣述贊實惟舊史占泰之交道長君子

張節婦傳

節婦姓王氏德州諸生王某之女年十七歸州東村徒駭河東岸龍泉寺後張家小庄之張宗禹事姑李氏克盡孝謹明崇禎末

大清兵入德州以宗禹東行遂不復歸節婦時年二十一子耀甫三歲姑以婦年少欲改嫁之節婦泣誓不從夫兄宗堯利其產令妻陳氏譖於姑而遣之節婦方食見媒妁至碎盃自割其面流血沾衣見者酸鼻而宗堯顧令妻陳氏巧譖於

姑逼嫁益急媒妁至於堂求婚者至於門節婦以孤兒納諸老嫗田氏之懷泣而拜之遂入室閉戶自縊於牀已死姑令田氏自牖而入解其索良久復蘇節婦自始嫁以至孀居愛其姑如孺子之於母姑既思其平日之孝又感其碎面求死如是之哀以切也於是陳氏之譖乃不行宗堯益疾之然終無可奈何姑死節婦勢益危宗堯之子範誘節婦之子耀於井上而欲擠之耀以手抱其項死不解有張乾者趨救之遂以

鳴於村里有爲之泣下者有爲之髮上指者宗堯計無所之乃分屋數椽田四百畝與之母自給節婦勤且儉蓄積益饒而宗堯與其妻子驕奢逸樂遂蕩其產至於困窮節婦復以田二百五十畝與之又蕩廢無餘節婦又給之衣食四十餘年謂其子耀曰吾所以善處汝伯父如此者乃體汝父所以事兄之道也汝終守之管婦以崇禎十一年孀居康熙四十三年卒年八十有七雍正三年

旌表

此本以...
 四十餘年...
 百五十...
 此本以...
 四十餘年...
 百五十...
 此本以...
 四十餘年...
 百五十...

梁節婦傳

吳直

節婦姓陳氏德州梁允謀之妻年十七而嫁六
 年而喪其夫其夫方病卧於床其姑又以老病
 卧於牀家貧甚一子方在襁褓節婦以一身侍
 其夫又侍其姑親嘗其藥調其所欲飲食櫛沐
 其頭面爬搔其癢而撫摩其疾痛澣其衣服而
 滌其器用扶持其起坐而掃除其矢溺事劇則
 日不食夜不寢暇則焚香以禱於神明而求身
 代之如是四年其夫卒目顧節婦知節婦之能

事其母而撫其孤也而目以瞑節婦欲自死以
殉其夫又顧其姑而不忍也姑泣節婦亦泣姑
不泣節婦亦自忍不泣姑以喪子疾有加焉節
婦悲其夫又恐傷其姑每柔聲怡色以進於姑
之前而歸自飲泣於其室如是者三月其姑卒
又目顧節婦知節婦之能守義以撫其孫也而
目以瞑節婦又欲自死以殉其姑又顧其孤子
而不忍也孤子甫四歲飢爲之食寒爲之衣總
角爲之師宵而織晝而易子不啼飢而母常飢
子不號寒而母常寒孤子日長大名文度字景
裴能文章食廩粟婚娶畢而節婦之勤苦不衰
如是者十有八年得疾將卒孤子惻惻泣於旁
節婦曰汝無然吾死無憾矣於是目顧其子知
其子之能似續其先也而目亦瞑雍正六年

旌表

其夫

其平人之語以讀其夫世而曰亦如歐五六年
尚誠曰必無終焉以終其夫世而曰亦如歐五六年
歐氏年十有八年其夫世而曰亦如歐五六年
歐氏年十有八年其夫世而曰亦如歐五六年
歐氏年十有八年其夫世而曰亦如歐五六年
歐氏年十有八年其夫世而曰亦如歐五六年

貞女李氏傳節畧

王士俊

貞女姓李氏山東德州人父濤歷官至刑部侍
郎女幼喜讀書明大義不苟言笑許字曲阜諸
生孔傳鉅世襲五經博士毓埏子也康熙丙戌
濤官粵西携女往洎己丑傳鉅親迎踰嶺病劇
遂卒女聞耗慟哭不食者七日父母哀其志呼
女告之曰若知禮乎禮取女有吉日而女死壻
齊衰而弔既葬而除之夫死女亦如之此禮也
先王制禮不可過也女解父母意哭且對曰父

母知春秋傳事乎春秋傳衛女嫁太子中道
太子死女問傅母曰且往當喪喪畢衛女不肯
歸終之以死未聞聖人以為不合於禮也女志
決矣因探袖中亦擲之地錚然有聲父母知其
志不可奪遂聽之居母家十年惟衣布素及濤
引年歸里女卒歸於孔灝行父母兄弟哭失聲
道旁觀者皆歎息泣下女不為動既歸事舅姑
孝舅姑安之自傳鉅卒毓挺遂無子衍聖公毓
毓同產兄也以已子傳鈔嗣其弟而以從
繼恭為傳鉅子女能撫其孤復推其田宅車
馬服玩之贏者以與孤之弟不自有也女年二
十八而歸於孔數十年未嘗笑見其齒幼喜讀
書自傳鉅卒後緇篋弗復視矣雍正癸丑余特
節巡山左採其事以

聞特恩旌之於是海內莫不知李氏貞女事王士俊
曰春秋之義女在其國稱女途稱婦今稱女禮
也稱貞易所謂女子貞不字也前明宏治中張
莊懿公瑩仲子聘趙氏女張子卒往其家守節

不嫁所司上其事旌焉題曰趙氏張節婦而當時或非之以為婦則無所附麗且不成婦也故稱貞女其合於春秋之義矣

濟安山志辨其事以

書曰身雖卒節義固非斯顯矣

十八而流於下幾十平未嘗笑其

無取於之論亦以與

其母

小胡城辨

許朝

嘉靖間通志云德州城魏太和間築或又云城本小胡城魏太和間築按魏地形志太和間置安德郡又舊唐書長河縣條內元和十年又置河東小胡城考唐元和十年築小胡城之時距魏太和十年分置州郡之時計二百七十餘年志云衛築則非唐置史稱唐置自非魏築若強合兩事為一事是魏於二百七十餘年前預築唐之小胡城也豈非支離之談乎或又云移長河於小胡城即今州是按舊唐書地志長

河縣為水壤元和四年移就白橋永濟河西岸置縣是長河縣移置御河西也若自西移東何代何年明

以前不見史冊又據宋史陳堯佐築堤後既廢安陵

仁宗景祐二年廢安陵見宋地志其又廢漳南仁宗至和

地在拓園鎮北御河東岸見吳橋志

元年廢漳南見宋地志其址在四防黃河西決也宋

女寺西南御河東岸見恩縣志

行志云仁宗皇祐元年黃御二河決並注於乾寧軍

按乾寧軍在州東北與濟廢縣御河東岸今青縣地

其時御河東二百里內並無縣邑安得獨有長河縣

再考宋地志云景祐元年移將陵縣治於長河鎮景祐

以前縣治在卽周顯德時廢長河縣為長河鎮地長今吳橋界內

河鎮既在河西則長河縣並未移河東也又前明漕

河圖縣邑坐落皆洪武之舊陵縣景州故城同刻載

御河西按洪武初降陵州為陵縣此陵縣卽今德州寧得云唐時已移河

東哉康熙間志云州舊無城洪武三十年始建又云

因立衛而築城萬歷間州志云州治舊在城西永樂

九年知州何原移於東南隅舊州志云社稷壇風雲雷雨壇厲壇皆永樂間

知州何原建是河東顧寧人先生兵衛論云州當南

北之衝建立之始先置衛而後設州卽今州署猶在

衛址可考今州城內仍皆衛地此自西移東其年代確鑿可據

德州志 卷三 藝文 文

者何云唐元和十年移長河縣治河東小胡城哉且夫援古之弊莫大乎不考其詳僅採摭一二語遂憑臆以爲斷移長河縣之說特據河東小胡城五字耳因何而置因何而廢並未一一考其由來余考成德軍王武俊統恒冀深趙四州其地皆永濟河西岸其竊據之德棣二州則永濟河東岸地元和四年三月成德軍節度王士貞卒子承宗自爲留後九月承宗請割竊據之德棣二州上獻求爲成德節度使上允其請遂以薛昌朝爲保信軍節度使領德棣二州承

宗遣精騎馳入德州執昌朝至真定囚之上遣中使諭承宗遣昌朝還鎮承宗不受詔十月癸未制削奪承宗官爵發兵討之長河縣之西移卽於是月承宗移之也十年聲承宗之罪絕其朝貢卽又置河東小胡城之年也亦承宗置也其年承宗出兵東掠滄州十一年滄州節度使程權敗承宗於長河十二年承宗以兵二萬入東光斷白橋路程權退滄州是承宗斷長河縣之白橋使兵不得渡河也十三年四月甲寅承宗復獻德棣二州庚辰赦承宗自元和四年三

月至十三年四月九年之間朝命不行於此地移縣
置城皆承宗自為之十年置小胡城於河東屯兵護
白橋德棣之路也十二年斷白橋路據東光為險而
小胡城廢不復用也石晉劉煦不辨公私有此一置
即有此一載然而叛臣私建不得濫列職方長河縣
之小胡城與南宮縣之固城鷓城一例故歐陽公概
行芟除若夫魏地形志所載太和間置安德郡隋開
皇改名德州大業改為平原郡唐武德復改德州開
元又改平原郡乾元又改德州明洪武七年西徙城

三年復置陵縣於此是魏太和築城在

今陵縣非舊陵縣今德州也溷彼於此不可
三年大明志於德州之下註云後魏置安德郡其
時陵德未經互易註語極當又天順重脩其時陵德
互易已經八十餘年而註仍
不改通志宗之貽誤始此 夫望遠者不見其形聽
遠者不聞其聲世湮年遠訛以傳訛類如此也謹詳
辨之俟質之博雅君子

古文尚書出於東晉迄南宋六七百年其間如劉焯
孔冲遠諸大儒皆未有疑其偽者自朱子疑之而吳
氏澄歸氏有光郝氏敬繼以爬梳抉剔不遺餘力至
閔氏若璩惠氏士奇父子出而古文之偽幾於不可
掩然古文所據類皆先秦文字格言奧論故雖與尙
書義例時時牴牾豎辰卒不得而廢也吾友江君聲
程君晉芳兄鳴盛咸以今文爲歸獨梁君鴻嘉紹劉
孔諸儒彙今古文而註釋之精心神解徃徃獨見古

梁志南尙書義序

王昶

古文尚書出於東晉迄南宋六七百年其間如劉焯
孔冲遠諸大儒皆未有疑其偽者自朱子疑之而吳
氏澄歸氏有光郝氏敬繼以爬梳抉剔不遺餘力至
閔氏若璩惠氏士奇父子出而古文之偽幾於不可
掩然古文所據類皆先秦文字格言奧論故雖與尙
書義例時時牴牾豎辰卒不得而廢也吾友江君聲
程君晉芳兄鳴盛咸以今文爲歸獨梁君鴻嘉紹劉
孔諸儒彙今古文而註釋之精心神解徃徃獨見古

人所不到折以一二語奏刀砉然如土委地言古文者孰能踰是哉梁君熟於殘注如瓶瀉水五經悉有著述於是經尤深生平敝衣芒屨不事長安中無有識其蘊蓄者獨與其同郡周君永年暨守交善然不及中壽卒困於貧病死是以余尤悼之而志其概如此

此書親見於水滸其始錄以與蘇東隱不盡錄也至其中數語大謬皆未肯錄其謬者自宋千錄之而此古文尚書出於東晉或南宋六百年其間收錄就

梁志南尚書義跋

王 珉

梁志南尚書義跋

羅有高

右梁君尚書義若干卷已校定可繕寫羅有高

曰

本朝之為今文學者吾得蘇州元和江君聲焉為古文學者則梁君眇焉獨造矣學者說經病在景附經旨張其臆談不則順文學語而已尚書家為甚梁君蓋侷侷乎錯綜合變盡古史之意者而竊惜其與江君並世而處不見江君也

是州疆胡爲或書或削將陵始將陵末各居一境如
何互易互名設衛護州州衙何以居衛址改陵爲德
元史何以無陵城里名有東廂南廂何以獨缺西北
中所有第三第二胡爲並無頭屯洪武十年移學宮
舊基安在永樂九年移州治故址奚存東南有黃河
涯河流何代東北有邊臨鎮邊界何方西境流沙胡
稱高海東堤野寨誰是將軍桑兒園是否栽桑落星
坡何年畧陶顏魯公全郡保障血食廟初立何方董
江都四邑分爭漢廣川究在何所兵米以常德爲號

履歷當詳基地以籽粒爲名由來宜考耿家灣有租
稅赤冊誰明昭惠廟無河流碑文莫解舊志成於康
熙癸丑已逾百年新編成於乾隆戊寅又復廿載若
不乘時脩輯勢必歷久雜稽司牧延請碩儒羣賢採
訪舊典何以辨誤何以析疑各出藏書共成信史

借書典以所以...
 不來...
 劉...
 張...

紀吳蔭華先生治青田三事張慶源

青田某鄉某都有仙居人業炭者杜立貴素與
 金德俊善立貴病瘋癲衣紅衣執紅旂詎且走
 旂上字多悖逆其字乃金德俊醉中書都之人
 愚不知其所為犯法也呼之為杜瘋子金醉漢
 而已其地近玉環立貴為玉環兵役所執聞於
 上官將窮其黨先生單騎往執金德俊并執成
 紅衣之裁工陳姓者遍查鄉民實無黨與集地
 保源長鄰佑房主燒炭之同夥者十一人食之

德州志
 卷三
 藝文
 文

以餒命之隨并帶金犯陳裁工赴處州府旣抵
府聞摠鎮保公成點兵剿青田叛黨將啟行矣
先生馳往力阻之保公勿聽先生爭益力保公
乃允與太守議處州太守久公常也保公至府
先生踵至處之首邑麗水高公登科亦至保公
強索青田申報叛案文先生大聲曰知縣到都
清查二犯而外皆良民也私動官兵以戕良民
罪將焉歸保公怒曰汝能保無事乎先生曰能
此不過兵役張大其詞以圖冒功且將魚肉我

民耳不可不察太守察先生言之非妄委麗水
高公往查與先生之言符兵乃止先生帶二犯
并陳裁工及十一人赴省中丞三公寶親鞫之
立請

王命旂凌劇杜立貴斬金德俊陳裁工實不知二犯
所爲薄責之其干証十一人先生仍食之以飯
命之隨而歸係乾隆三十九年事

官兵一動事有不可問者先生之所保全多
青矣固由定識以副定力然非無欲焉得剛

青田在萬山中山有木者徵糧無木者不徵木
山三百餘頃按畝徵銀一毫合計之不過三兩
有奇康熙四十一年知縣鄭新命攤山糧入田
糧而名木山曰官山於是伐木以自肥而青田
王命之民瘠矣且且伐之木不能繼溫處之間薪
皆貴民病之先生清查舊案除官山之名仍以
山歸業主命其召佃栽木其利主二佃八永爲
命先生纂青田續志載之

民食其利而山亦復其性矣美哉

青田有畬民者處之十邑皆有之統計之共萬
餘戶土人指爲槃瓠謂非人種不得與考試畬
民莫能辨先生集諸生於明倫堂詢畬民之爲
槃瓠何所考據諸生茫然也先生手後漢書示
之曰槃瓠乃漢人罽交趾國人者謂是高辛時
事荒誕不可考又出明史示之曰瓊有熟黎生
黎黎粵民也又出兩浙通志示之曰順治十八
年巡撫朱昌祚因浙東戶丁逃亡者多遷瓊海
之民以補之與之牛與之田令其開墾謂之畬

民詩云如何新畬畬民者治新田之民也百餘年來世爲農民焉可禁之使弗與試諸生服先生作畬民考載入續志

洒非人之恥而被作人之化是謂能盡人之性

先生名楚椿字蔭華德州人幼孤力學承教於丁萼亭先生讀書善體會乾隆六年辛酉舉於鄉南宮屢躋乾隆三十八年選授浙江青田令多善政六載告歸無子課徒以爲食

人稱之曰青田先生於經書多所箋釋更於心志乘或有非而議之者是非公論百年後定其治青田三實事不可沒也紀之以俟考覈循吏者

